

REPUBLIC DAY, 2021 SPEECH

Thian duh tak te leh pi leh pu te u, Republic Day vawi 72 na hmang tura tukina lokal zawng zawng te chibai ka buk a che u.

Kan hriat angin India ram chuan British sorkar awpbegna hnuaiah rei tak a awm hnuah kum 1947 ah Independence a hmu a. Chumi hnu kum 1950, 26th January atangin Indian Constitution neih tan a ni. Vawiin hi Republic Day vawi 72 na a lo ni ta a ni. Ram zalen, tuma hnuaia kun lova kan awmna pawh kum tam tak a lo ni ta. Vawiin hian ramin zalenna a neih theih nana nasa taka lo bei tute Mahatma Gandhi leh midangte kan hre reng a. Mi tam tak zalenna suala nunna hlan tute pawh kan hre reng a ni.

Keini ho hian kan zalenna hmang tha in, kan chanvo leh mawhphurhna te hre reng in, tan ila thar sauh sauh ang u.

Keini Khawzawl District pawhin kumkhat leh a chanve District kan nih chhungin hmasawna hmuh tur a tam hman hle a, sawisen vek ni lo mahse, a pawimawh zual te han sawi ila.

OFFICE HAWN THAR TE:-

(1) Land Revenue & Settlement Department hnuaiah Settlement Office chu nikum September ni 20 khan hawn a ni a. Tunah hian DUDO Office ah room hran neiin an awm ve phawt a; Surveyor pakhatin a rawn zawm tawh.

(2) District Education Office leh District Project Coordinator Office te chu nikum December ni 15 khan hawn an ni a. Tunah hian NABARD hnuaiah school thenkhat sak that mek a ni.

(3) Planning Department hnuaia District Research Office pawh hawn thuai tura inbuatsaih mek a ni a. January thla tir khan Department hotuten office turte an rawn enfiah tawh a ni.

OFFICE AWMSA HLANKAI TE:-

(1) Sub-Divisional Agriculture Office kan lo neih thin chu District Agriculture Office ah nikum January ni 9 khan hlan kai a ni.

(2) Primary Health Centre kan lo neih thin chu nikum February ni 14, 2019 khan District Hospital ah hlankai niin Medical Superintendent in a thutchilh mek a ni.

(3) Nikum March ni 20 atang khan Veterinary Dispensary pawh District Veterinary Hospitalah hlankai a ni.

(4) Hemi bakah hian kumin January ni 13 khan Divisional Horticulture Office thin chu District Horticulture Office ah Chief Minister, Mizoram in a hawng.

HMASAWNNA PAWIMAWH TE:-

(1) Covid-19 hripuiin khawvel a tihbuai hle laiin hri kai leh kai loh testna khawl **Truenat laboratory** chu nikum September ni 20 khan District Hospital ah hawn alo ni ve ta a. Tunah hian Truenat leh RAgT hmangin mi 970 an test tawh a, Covidshield vaccine pawh 25th January atanga pek tan a ni.

(2) Khawzawl District chhunga khua panga – Chawngtlai, Rianglei, Pamchung, Tlagmawi, Rabung te chu BPL awm lohna khua, **BPL Free Village** ah puan an ni a; lawman atan cheng nuai 40 theuh pek an ni a; tunah hian 2nd installment hmangin hna an thawk mek a ni.

(3) **Khawzawl Police Station** chu nikum July ni 16 khan Ministry of Home Affairs, New Delhi chuan Best Police Station ah a puang a; a lawmawm hle a ni.

(4) **Deputy Commissioner's Office** ah pawh hmasawwna pawimawh tak tak a awm a, chungte chu –

(a) Nikum October thla atang khan Video Conferencing neih theih alo ni ve ta a; a tangkai hle a ni.

(b) Nikum November thla atang khan e-district chu DC Office atang hian kalpui tan a ni a. Mipui ten DC Office a kal kher ngai loin Tribal Certificate, Income Certificate leh Residential Certificate te an dil thei tawh a. Thingtlang mite tan certificate mamawh dil a awlsam phah hle.

(c) November thla atang vek khan District website pawh siam thar niin Khawzawl Office hrang hrangte dinhmun mumal taka tarlan a ni a; awmze nei taka update reng ani bawh.

(d) Aadhaar ti a kan hriat lar, Biometric Enrolment pawh nikum kum tawp hma atang khan Khawzawl ah ngei tih theih alo ni ve ta a. DC office ah ti loin, sawrkar in a phal angin Common Service Center kaltlangin kalpui mek ani a. Hun reilote chhungin Aadhaar mamawh te chuan an siam thei ta a ni.

(e) Bawhlawh paihna mumal neih chungchangah DUDO office kaltlangin hmalak mek zel a ni a. Notified Town pathum – Khawzawl, Biate leh Khawhai ah bawhlawh paihna hmun, Solid Waste Management Centre, kum 20 daih tur nei turin hmalak mek a ni a. Hnawm paih motor (Garbage Truck) pawh UD&PA Department atangin nikum December ni 23 khan dawn a ni a. Khawzawl Joint VC te kutah hlan a ni a; a tangkai hle a ni.

(f) Tin, nikum November ni 11 khan Tuisenphai-ah tun hmaa la awm ngailo Check Gate siam thar a ni a. Champhai District kaltlanga Myanmar atanga rawn phurh Kuhva, Vawk leh dan phalloh thildang phurh te chu chhun zan zawm a lo check thin a ni. Hemi hma pawh hian Khawzawl Police ten Kuhva dan phalloh a phurh 1248 bags, Rs 82,89,604/- man leh Pangpar chi (Poppy Seed) 38 bags, Rs 3,07,800/- man te chu lo man sak tawhin Champhai-ah Custom Preventive Force hnenah hlan a ni.

HMASAWNNA HNA THAWH MEK TE:-

- (1) **Tourism Department** hnuaiia sak Tourist Lodge, Lungvar veng ami chu sak zawh tep a ni tawh a.
- (2) **UD&PA Department** hnuaiia Mualvawm Field a Artificial Turf phah hna pawh thawh mek a ni a; Syncott International Company ten an vil mek a ni.
- (3) **Power & Electricity Department** hnuaiiah Vankal khuaah Solar Plant siam zawh tep a ni a; Megawatt 20 lai pe chhuak thei tur a ni a. An siam zawh hun a nghahhlelawm hle a ni. Tin, Khawzawl leh Serchhip inkara 132 KV line chu an thawk zo tep bawk a. East Lungdar-a 132 KV line an siam zawh hun hun ah commission theih a ni dawn a ni.
- (4) **PHE Department** hnuaiiah khua Pali – Tualte, Chalrang, New Chalrang leh Sialhawk ah te Solar Pump hmanga water supply hna thawh mek a ni a; Khawzawl Hermon vengah Gravity hmanga water supply hna thawh mek a ni bawk.

Puilo, Khualen, Aiduzawl, Rabung, Arro, Neihdawn, Tualte ah te In tinah Tui connection pek an ni tawh a. Chutih lain, Chawngtlai, Riangtlei leh Lungtan khua te tan water supply thawhna tur sanction thar hmuh a ni bawk.

(5) **Superintendent of Police Office** hian Foreign Cigarette cheng Nuai 6 hu manin, Custom Preventive Force, Champhai hnenah an submit tawh a. Covid-19 dona kawngah Rs 4,02,800/- fine an la khawm tawh bawk a ni. Tin, tualchher zu 124 litres, Rs 26,000/- man an man tawh bawk. Khawzawl Town chhunga hmun pawimawh laiah nikum December thla atang khan Traffic Police an duty tir tan a ni.

(6) **Seling to Champhai, NH-6** hna pawh thawh mek a ni a. Khawzawl District chhungah chuan Package 4 hnuaiiah Dulte atangin hna tan a ni a. A thawktute hi NHIDCL an ni a; tunah hian Dulte to Champhai inkar Tender pawh an chhuah mek a ni.

(7) **Public Works Department** hian PMGSY Phase IX & X hnuaiiah heng hna te hi an thawk mek –

(a) Chalrang to Vangtlang

- (b) Khawzawl to Neihdawn
- (c) Rabung to Aiduzawl
- (d) Khawzawl to Ngaizawl
- (e) Ngaizawl to Tualpui
- (f) Khawhai to Tlangpuilian
- (g) Khawhai to Lungtan
- (h) Khawzawl to Hmuncheng

Heng bakah hian State Priority Project hnuaiah Tlangpui leh Lungva inkara Truck kal theihna tur kawng laih hna an thawk mek bawk.

(8) **Irrigation & Water Resources Department** hnuaiah hian Project 40 thawh zawh tawh a ni a; tunah hian thawh mek Project 4 an nei a a, chungte chu:-

- (a) Bawnzawl
- (b) Tuiphal
- (c) Phaisen hnar
- (d) Khuangthli

Tin, Repair and Restoration, Special Central Assistance hnuaiah Project 2 khawih mek an nei bawk.

(9) **Khawzawl RD Block** hnuaiah heng hna te hi thawh mek a ni;-

(a) SPMRM:-

He Scheme hi Mizoram RD block 4-ah kalpui mek niin, Khawzawl RD Block hnuaiah Khawzawl Rurban Cluster tel vein, he cluster hian khaw 13 a huam a ni. He scheme hi Convergence scheme a ni a, Deptt hrang hrang te thawh tlanna tura ruahman a ni. Cluster khua 13 te tan hmasawna hna hrang hrang thawh nan Rs. 258 lakhs hman tawh niin, hna tam zawk la thawk zel tura ruahman a ni.

(b) NREGS:-

Khawzawl RD Block-ah Mahatma Gandhi NREGA hnuaiah mipui inhlawhna tluanga taka kalpui zel a ni a. Tun Financial year kal lai mek (2020-2021) ah Dec, 2020 thlengin mipui (Job Card holder) te hnenah Ni 87 inhlawhna siam/pek an ni tawh a, Jan 2021 a mipui inhlawhna tur Ni 8 pawh siam fel tawh a ni.

Khawzawl RD Block hnuaiah Village Employment Council (VEC) 38 an awm mek a, Job card nei chhungkua 8435 an awm mek bawk. He Scheme hmang hian thingtlang hmasawna ruhrel leh loneituten eizawna ngialnghet an neih theih nan hmalak a ni a, kuthnathawktute tharchhuah

nasa taka tipungin huan lo ram siamsak an nih vangin hlawkna sum leh pai tamtak an hmu mek zel a ni.

(c) PMKSY:- PMKSY/IWMP Champhai III hnuai ah hian Khawzawl RD block in a huam chin ah heng khaw 5 Khawzawl, Ngaizawl, Neihdawn, Tuipui leh Tualpui ah te hian 2020-21 financial year chungin kuthnathawk tute mamawh chi hrang hrang work component hrang hrang thawh a ni.

(d) MZSRLM:-

Khawzawl RD Block huamchungah khaw 26-ah kan lut tawh a, Self Help Group (SHG) 345 kan din tawh a, members 3274 an awm mek a ni.

(e) PMAY-G:-

Khawzawl RD Block chungah thingtlang mite insak tanpuina chungkaw pakhat tan Rs.13,000 pek thin a ni a. Kum 2016 – 2017 chungin chungkaw 52 hnenah pek tawh an ni a. Kum 2018-ah chungkaw 809 thun lutin sawrkar lamin ruahmanna an siam veleh pek theih beisei a ni.

(10) **Khawzawl ICDS Project** hnuai ah hian Anganwadi Centre 87 enkawl mek a ni a. National Creche Scheme atangin Centre 5 enkawl a ni bawk. Covid-19 avangin Anganwadi te khar ni mahse, Take Home Ration hmanga naupangte eitur pek thin an ni.

Scheme for Adolescent Girls hnuai ah beneficiary 7 an nei a, PMMVY (Pradhan Mantri Matru Vandana Yojana) hmeichhia fa pakhatna pai Rs 5000/- zel a tanpuina pawh kalpui zel a ni a; Poshan Abhiyan hnuai ah State Innovative Plan ah naupang thanthu leh taksa chaklo zual mi 5 te enkawl mek an ni bawk.

Vawiin hian Khawzawl District kumkhat leh a chanve chauh ala ni chungin hmasawna duhawm tak tak te kan han sawi ta a. Kan sawrkar chungah lawmthu kan sawi tak meuh a ni. March 2020 atanga tun thlengin Khawzawl District ah Covid-19 hri vei mi 23 hmuh tawh an ni a, Mizoram pawn atanga rawn lut vek an la ni. Khawtual a inkaichhawn (local transmission) case kan la nei lo hi a lawmawm tak meuh. A tir atang tha thlah lova he hripui dona kawng hnathawk tha em em Doctor te leh Health Workers te, VLTF te, Police Force te, Sorkar hnathawk te, DLTF te leh Zonal Officers te chungah kan lawm tak meuh a ni. Tin, IB, Rest House leh Tourist Lodge thlengin quarantine a awm te leh hri veite dah nan hman a ni a, a enkawltu leh neitu department chungah lawmthu kan sawi mawlh mawlh a ni. Tin, kan district kan vanneihna chu mipui tawiawm na leh thuawihna zar ah Covid-19 in nunphung tibuai lutuk lovin tun kan thleng thei hi a ni. India ram leh Mizoram hmundang te ang bawkin kan district ah pawh covid vaccine nimin atanga pek tan a lo ni ta hi a lawmawm hle a,

amaherawhchu, inthlahdah phah nan hmang lovin, hmaikawr vuah, kut silfai leh midang hnaih lova awm leh sorkarin kan zawm tura hriattirna a chhuahte thuawih takin mipui ten i zawm zel ang u.

Vawiin Republic Day vawi 72 na ah hian in vaiin duhsakna ka hlan leh a che u.

Jai Hind